

十二月二十一蘇月波

辦理臺灣等處海防兼理各國事務
總督 沈葆楨
福建巡撫 李鶴年
浙江巡撫 王凱泰
福建巡撫 潘蔚
福建巡撫 王凱泰
福建巡撫 潘蔚

奏為南路開山已抵車南北路開山已抵歧萊並擬布置琅璫
旂後各情形恭摺馳陳仰祈

聖鑒事竊臣等於十一月十五日將台地善後事宜及請移駐巡撫緣由

奏明在案而於南北兩路撫番開路情形未遑詳述茲疊據報
程南路一帶自九月間袁聞拆率綏靖一軍越崑崙坳而東
張其光隨派副將李光領前隊繼之十月初一日李營至坳
東袁聞拆乃得拔營前進初七日至諸也葛社自崑崙坳至

諸也葛計程不過數十里而荒險異常上厓懸升下壑胥墜
山皆北向日光不到古木慘碧陰風怒号勇丁相顧失色不
能中途暫駐以待後隊之來當袁聞拆駐營諸也葛之日正
張其光在內埔辦理亮番之時內社地有老雅石者崑崙坳
之西境也初八日張其光左營有勇丁五人暮經該處草間
突起數番截殺何禮一名槍傷譚大一名旋經都司張欣守
備周恩培等派隊追趕該犯逃散無蹤隨傳內社頭人陳汝
玉查係七家蛋社亮番正在勒限緝辦二十四日恭將周善
初出哨雙溪路見無首勇丁橫臥血地方深疑駭旋見亮番
多人執械向山坡狂竄揮勇追之適周恩培出哨橫截坡前



搶斃其一兒擒其三餘悉散走訊供被殺者曰拉立被擒者
 曰亞利目曰蘇拉曰白牛俱為陳阿修社番即割路旁勇丁
 之首者譚大何禮之非亦該番行同七家蛋社所為不諱張
 其光即將三人就地正法以快人心二十日都司張朝光率
 兩朝營於大石巖都司張天德亦率隊至諸也葛袁開拆乃
 得拔營前赴卑南諸也葛以下地畧平坦但榛蕪未翦焚某
 伐木頗費人功而該丞索夜露宿空山感受瘴癘染病甚重
 臣等聞信即委候補通判鮑復康馳往暫領其軍俾歸郡醫
 治未至而該丞已輿疾率旅經抵卑南張天德一軍亦已趨
 紮大貓狸與之犄角長下卑南一路業已開通其崑崙左近

雖有兇番出沒已分別懲儆諒無敢生心惟山道險遠糧運
 殊艱而卑南一帶海口當此東北風司令波濤拍岸倒捲如
 壁船隻不能擺泊現聞袁聞拆病體漸輕鮑復康亦已到軍
 自內埔至卑南均已派營分布聲勢尚能聯絡此南路近日
 開山之情形也台北一帶疊准提臣羅大春函程自九月十
 八日派都司陳光華為首隊守備李英千總王得凱為頂隊
 遊擊李得升為三隊前赴新城別派軍功陳輝煌率兩哨前
 赴大清水溪再派摠兵戴得祥分三哨填紮大南澳分二哨
 前紮大濁水溪時正片雨連山諸軍阻不能逢二十五日天
 晴陳輝煌先至大濁水溪旋有兇番抗拒經兵勇擊斃二人



隨即獸散李得升李英陳光華等踵至會勘形勢近溪荒壤
 周圍約寬數十里惟地皆沙石不及大南澳之膏腴溪岸南
 北約鉅三十餘丈波流陡急副將周維先等逢日趕造正河
 支河木橋各一條工程玩竣各軍乃得越溪而前自大濁水
 溪以往前者曰小清水溪後者曰大清水溪十月初八日陳
 光華一營逢紮小清水陳輝煌等逢紮大清水隨有新城通
 事李阿隆等帶大魯閣番目十二人來迎願為嚮導陳輝煌
 李英王得凱等各軍遂於十三日抵新城十四日李得升取
 部亦至均營於新城河東時又有符吻巨嚙等社番目來迎
 均各分別賞犒我軍遂趨紮改萊花蓮港之北此地蓋後山

橫走秀姑巒之道也自蘇澳至新城計山路二萬七千餘丈
 自新城至花蓮港計平路九千餘丈統計二百里有奇而沿
 途碉堡除蘇澳至大南澳已設者不計外應添建十有二處
 均已興工惟大南澳至大濁水溪一帶兇番充斥狙殺行人
 因於大南澳山腰再開一路旁通新城一以避海濱懸崖之
 險一以塞兇番歧出之途往派千總馮安國帶勇往辦涉溪
 五重方闊地十餘里十一月十一十三等日勇丁正在開路
 突有兇番千餘分股埋伏於我兵竭力抵敵經守備黃朋
 原等擊斃四人始退是日我兵陣亡者四人受傷者十八人
 十五日行至一崇山之麓我兵正在峽中開鑿忽聞槍聲四



起抵禦兩時之久先番俞多黃朋原馮安國料該番等傾社
而至社中必空分隊繞擣果有草藿數百聞其無人惟見新
舊髑髏每藿或數十顆百餘顆不等穢臭難聞旋乘暮片縱
火焚藿十數間陣番始散是日計亡兵勇四名重傷者二十
名而哨長祝榮山胸受槍傷頗重其駐濁水溪之勇數十人
由小南澳運糧而歸亦於十三日路過石壁突遇兇番蜂擁
抱錢陣亡者二名被追落海者四名重傷者一名經守備朱
榮彪馳隊赴救始如駭散而十五日五里亭地面復報程兇
番殺斃民人二名羅大春以番族肆擾難踧隄防惟山場遼
濶營勇不敷分布飛函商請添兵前來臣等即札住彰化之

宣又左右兩軍赴之想日內可到至新城歧萊一帶應如何
設立營汛建造墩台使羅大春親至於度再籌布置此者汝
近日開山之情形也至琅瑤一帶自倭兵退後臣等復派維
軍兩營紮統領埔五開俊一營紮風港據報十月三十日倭
輪一支泊龜山下隨有五人登岸周覽舊營時許始歸十一
月十一日復有輪船一隻泊清港口隨有西洋人五名登岸
經前台灣鎮曾元福軍功汪北榮阻詰據程係簪文國人查
西洋向無此國詢諸日意格云殆日耳曼轉音之訛也該洋
人求至新營一觀准軍管帶官李常孚胡國恒等整隊而出
該洋人旋即下船開洋而去臣等思倭事雖息而異族尚耽

耽於台灣非急於琅璫建城置吏無以為永久之計本月初一日台灣道夏獻綸候補道劉傲先赴琅璫臣葆楨擬初四日因台灣存周懋琦等親赴該處聲勘形勢應如何舉辦之處再行請

旨定奪至台南旂後海口峭壁洪流洶程天險前經夏獻綸履勘會商維軍統領唐定奎委候補府田勤生等挑選營勇於十一月初三日興工理合聲明花先將南北路開山並擬往琅璫旂後布置各情形恭摺附輪船到滬交上海縣由馬六百里馳

奏伏乞

皇上聖鑒訓示遵行再此摺係臣葆楨立稿合併聲明謹

奏

同治十三年十二月二十一日軍機大臣奉

旨

欽此



沈葆楨等片

再據總統銘武等軍記名提督唐定奎又稱該營自夏間奉
 調來台萬里荷戈重洋涉險到防伊始又值秋霖濕熱交逼
 瘴癘旋興該提督延醫選葯多方拊循難保全不少而病
 歿亦多計已故文武員弁則有同知銜遇缺即選教諭田晉
 階知州銜前署高淳縣教諭萬嗣保副將銜花翎補用參將
 侯汝志副將銜花翎兩江儘先補用參將邵鑑清參將銜花
 翎兩江游擊王維新花翎補用都司劉登惠藍翎儘先守備
 徐宣和補用守備吳維龍藍翎千總田德瀛儘先千總衛承
 元藍翎把總徐萬華等凡十有一人該員弁皆久歷戎行為

國効力茲竟感冒時疾加以積勞傷發先後殞命殊堪憫惻合

無仰懇

天恩逾格

飭部照軍營立功後病故例議卹至病故勇丁尚有二百六十五
 名現已於鳳山地界購地一區將該員弁勇丁等按序合葬
 於其中旁建祠宇春秋由地方官致祭俾得長歆享祀以慰
 忠魂謹會同大學士直隸總督臣李鴻章附片分別陳明伏

乞

聖鑒訓示遵行謹


奏



386

385

同治十三年十二月二十一日軍機大臣奉
旨田晉階等均著照軍營立功後病故例議卹餘依議該部知道
欽此



國立故宮博物院
NATIONAL PALACE MUSEUM



沈保楨片

再船工現已續辦臣等查應亟購備者尚有三端一曰大挖土
 機船一曰船上銑脅一曰新式輪機船廠江濱年來泥沙日
 淤雖用挖土機船設法開濬無如地寬器小旋挖旋積倘流
 日淺新船下水無由廠地便因而廢聞外國有極大挖土機
 船計一點鐘可挖土五十方尺當人工一千餘擔之多果得
 此船刷除積淤廠地方乃可無虞此挖土機船之購所以不
 容緩也船脅必需天然彎木內地無之向運諸暹羅仰光等
 處聞該處近來此木亦少所以西洋舡易銑脅以濟其窮閩
 廠前者皆用木脅邇來十六號開工木脅大形竭蹶勉強湊

集尚不敷一船之用後繼尤難非亦改銑脅不為功惟此項
 工程本廠匠徒未曾素習不得不取式於外洋此銑脅之購
 所以又不容緩也舊式輪機用煤過費外國近又舡新式卧
 機以為兵船取其機器事水面平可以避砲也舡新式立機以
 為商船取其機器所占艙位無多可多裝客貨也煤較省而
 機較靈非各購一副而來俾匠徒仿造則巧拙懸殊造船之功
 亦難於精進此新式輪機之購所以又不容緩也惟此三項
 之費自定購以及保險危紮護送合攏計非二三十萬金不
 可使惜一時之勞費悞後日之遠圖因小失大又非良策臣
 等再四思維似難中輟合無仰懇



天恩俯准乘此防務已鬆飭日意格先赴廈門打電線出洋探悉
 三項實價然後令其歸國先辦大挖土機船一隻迅駛來工
 以保廠地一面在法國定造鉄船脅全副帶匠一二人前來
 關合並教匠徒打造約限一年成功而歸一面往英國定造
 新式卧機立機各一副帶匠二三人前來合攏並教匠徒鑄
 造亦約限一年成功而歸鉄脅必取法國者以閩船皆法匠
 所造其尺寸乃符新機必取英國者以英船向稱堅傲其制
 度無弊也至議定造鉄甲船未知底細下手殊難亦擬今日
 意格順途細訪詳悉開單寄歸以便他日斟酌舉辦可否之
 之處謹會同大學士陝甘總督臣左宗棠附片陳明伏乞

皇上聖鑒訓示遵行謹

奏

同治十三年十二月二十一日 譚機大臣奉

旨著照所請該衙門知道欽此



沈葆楨等片

再據澎湖通判劉邦憲稟稱練臺台灣府學廩生彭衛亨平日恪守臥碑深明大義本年勸辦團練不遺餘力九月初十日由西與乘船賫送勇冊到廳呈驗不意至中途風壓船沒即時殞命該廩生家貧親老尚義殉身誠堪憫悼合無仰懇天恩交部議卹以慰忠魂伏乞聖鑒訓示遵行謹

奏

同治十三年十二月二十一日軍機大臣奉

旨彭衛亨著照例議卹該部知道欽此

392

391

國立故宮博物院
NATIONAL PALACE MUSEUM

